



GRUPACIJA ŠPEDITERA-LOGISTIČARA PRI UDRUŽENJU POSLODAVACA FBiH

Mula Mustafe Bašeskije 12/3
BIH – 71000 SARAJEVO

Sarajevo, 16.01.2013.godine

ZAPISNIK

Sa sjednice UO Grupacije špeditera - logističara pri Udruženju poslodavaca održane dana 16.01.2013.godine od 10,30 sati u prostorijama društva BIHATEAM doo Sarajevo.

Prisutni: predsjednik UO Grupacije Arbelšped doo Sarajevo Fadila Poplata, i članovi Schenker doo Sarajevo Salko Kruho, BIHATEAM doo Sarajevo, Hamed Šivšić, AGS doo Sarajevo Erol Mahmutović, Interherc doo Mostar Dado Topić, Rhea Express doo Sarajevo Ermin Omeragić, Meridian ad Banja Luka Branko Vujatović, Intagent doo Mostar Vladimir Pejčić i gosti: Udruženje poslodavaca FBiH, direktor Mladen Pandurević, In Time doo Sarajevo Aldin Kadrić i Schenker doo Sarajevo Zdenko Pehar.

Opravdano odsutni članovi: DHL International doo Sarajevo Edin Emšo, Kuehne+Nagel doo Sarajevo Tarik Murić i Intereuropa RTC Sarajevo gosp.Haris Avdić (istupili iz Grupacije).

U odsustvu sekretara Grupacije, zapisničar je izvršni sekretar BIHATEAM doo Sarajevo Dženana Gorančić.

Gospođa Poplata pozdravlja prisutne u svoje ime i otvara sjednicu UO Grupacije špeditera-logističara i predočava predloženi dnevni red.

Predložen je slijedeći:

DNEVNI RED

1. Informacija o sastanku od 28.12.2012.godine
2. Podjela zaduženja za realizaciju dogovorenih pitanja sa sastanka
3. Razno

Nakon usvajanja dnevnog reda, počinje diskusija na temu tačke 1. i sastanka održanog sa Direktorom UINO BiH gosp. Džakulom i Premijerom gosp. Nikšićem u kabinetu Premijera Vlade Federacije BiH, koji je upriličen 28.12.2012.godine, a u povodu nekoliko gorućih problema koji otežavaju poslovanje špediterskim i logističkim firmama.

Tačka 1. Informacija o sastanku od 28.12.2012.godine

Tačka 2. Podjela zaduženja za realizaciju dogovorenih pitanja sa sastanka

Nakon kratkog uvoda gđa Poplata daje riječ gosp. Šivšiću, koji prezentira zaključke i zadatke donesene na pomenutom sastanku, već dostavljene velikom broju i drugih špediterskih firmi u vidu sažetka, a koji trebaju da se realiziraju u kratkom narednom periodu.

Gosp.Šivšić, pored već postojeće Naredbe vezane za izmjene nadležnosti carinskih ispostava u pogledu carinjenja roba afričkog i azijskog porijekla iz 2012. godine, također iznosi sve informacije vezano za najnoviju Naredbu UINO BiH, a koja se također odnosi na istu temu.

Ostali zaključci se odnose na problem radnog vremena na CI, pitanje certificiranja špeditera uključujući i periodične provjere, i korištenje sveobuhvatnih garancija za sve carinske procedure.

U svakom slučaju važno je nastaviti razgovore od 28.12.2012.godine.

U tekućoj godini će se također riješiti pitanja oko problema sa garancijama.

Što se tiče radnog vremena CI, gosp.Pandurević podsjeća da je gosp.Džakula rekao da Grupacija predloži tekst Naredbe o radnom vremenu i dostavi njemu na potpis.

Nakon gosp.Šivšića, izlaganje o informacijama sa navedenog sastanka nastavlja gosp.Pandurević. Motiv za iniciranje ovog sastanka je bilo istupanje iz Grupacije i UPFBiH i pasiviziranje nekoliko špediterskih firmi, zbog čega se počeo tražiti razlog ovakvim događajima, pa je UPFBiH organiziralo sastanak sa direktorom UINO BiH, nominirajući pet najvažnijih problema, koji otežavaju rad špediterskih i vanjskotrgovinskih firmi.

Uspjeh postignutih rezultata ovih pregovora moguć je samo kroz aktivno učešće svih, koje ovi problemi dotiču. UPFBiH je na ovaj način uspostavilo kontakt i direktan dijalog između UINO BiH i Grupacije špeditera-logističara, nakon čega Grupacija treba da nastavi direktan dijalog.

Vežano za Naredbu o izmjeni nadležnosti CI za carinjenje nekih roba afričkog i azijskog porijekla, još 28.12.2012.godine prilikom sastanka gosp.Džakula je najavio nove izmjene pomenute Naredbe. Kada je ova, veoma napovoljna, izmjena stupila na snagu gosp.Pandurević se pismeno obratio direktoru UINO BiH i Premijeru FBiH, skrećući

pažnju na negativne posljedice, koje će nova Naredba ostaviti na provredu. Uslijedila je reakcija direktora UINO BiH, koji je potvrdio da se izvinjava za štetu nastalu zbog ove Naredbe i kako će se svim urednim carinskim obveznicima omogućiti carinjenje.

U toku sastanka stigao je e-mail od gosp.Džakule o mogućnosti carinjenja za uredne carinske obveznike prema sjedištu poreskog obveznika.

Sastanak je nastavljen diskusijom na temu šta se podrazumijeva pod pojmom 'uredan carinski obveznik', na koji način će se izvršiti segmentiranje carinskih obveznika.

Gosp.Šivšić ističe da se treba nastaviti u smjeru potpunog ukidanja ograničavanja nadležnosti carinskih ispostava uvedenih Naredbama UINO BiH.

Gospođa Poplata predlaže da završe sa podjelom zaduženja za izvršenje zaključaka i zadataka navedenih iz Sažetka sastanka održanog 28.12.2012.godine.

Prisutni su diskutovali o zadacima koje hitno treba uraditi, a to je pored nadležnosti CI, pitanje radnog vremena i korištenje carinskih garancija.

Veoma je važno odabrati pozdane partnere za nastavak dijaloga sa UINO BiH.

Vezano za pitanje certificiranja špeditera, što je bila jedna od tema na sastanku sa gosp.Džakulom, međutim zaključeno je da nadležno ministarstvo nema interesa da se pokreće novo pitanje oko certificiranja.

Gosp.Omeragić je također postavio pitanje vezano za problem uvoza i carinjenja lijekova i medicinskih sredstava.

ZAKLJUČAK:

- **Sastaviti ispred Grupacije prijedlog teksta Naredbe vezane za postojeću Naredbu o radnom vremenu CI. Rok za izradu je do petka 18.01.2013 a za provođenje ovog zaključka zadužuje se gosp.Pehar Zdenko.**
- **Sastaviti dopis vezano za pitanja korištenja carinskih garancija - uvođenje sveobuhvatne garancije za sve carinske procedure za teritoriju cijele BiH. Također obuhvatiti i pitanje blokiranja cijele vrijednosti garancije. Rok za izradu je do petka 18.01.2013 a za provođenje ovog zaključka zadužuje se gosp.Vujatović Branko.**
- **Odabrati partnere za buduće dijaloge između Grupacije i UINO BiH. Za provođenje ovog zaključka zadužuje se gđa Poplata.**
- **Sastaviti dopis vezano za problem oko carinjenja lijekova i medicinskih sredstava, dostaviti Grupaciji, koje će biti upućeno putem UPFBiH na nadležno mjesto. Za provođenje ovog zaključka zadužuje se gosp.Omeragić.**

Tačka 3. Razno

Pod ovom tačkom prisutni su diskutovali o sastanaku, kojeg je gosp.Pandurević najavio za kraj mjeseca januara, kojem će pored predstavnika UPFBiH i Grupacije špeditera-

logističara, prisustvovati i oko 50 drugih špediterskih firmi, kojima će se prezentirati rad UPFBiH i Grupacije špeditera-logističara. Nekoliko ovih špediterskih firmi je već izrazilo interesovanje da se učlani u UPFBiH i Grupaciju. Cilj jednog ovakvog sastanka je omasovljenje Grupacije.

Ovom sastanku će prisustvovati i direktor UINO BiH sa saradnicima.

Tačan datum, vrijeme i mjesto održavanja će biti naknadno dogovoreni, nakon usklađivanja termina sa gosp.Džakulom i gosp.Pandurevićem.

ZAKLJUČAK:

Organizovati i pripremiti sastanak predstavnika UINO BiH, UPFBiH i Grupacije ššpeditera-logističara sa što većim brojem drugih špediterskih-logitičkih firmi iz BiH. Rok izvršenja je do kraja naredne sedmice. Za provođenje ovog zaključka zadužena je gđa Poplata.

Sjednica UO je završena u 13,00 sati.

ZAPISNIČAR

Predsjednik Upravnog odbora
Grupacije špeditera-logističara

Dženana Gorančić



Fadila Poplata

